

Utusan SAWIT

MPOB Menjana Perubahan Industri Sawit



Utusan Borneo
Citra Generasi Pihatin
JUMAAT
16 NOVEMBER 2018

EDISI KHAS

Malaysia, EU perkukuh dagangan sawit

Oleh Dr Puah Chiew Wei
cwpuah@mpob.gov.my

BRUSSELS, BELGIUM: Menteri Industri Utama, Teresa Kok mengetuai Misi Ekonomi dan Promosi Sawit ke Switzerland, Sepanyol dan Belgium dari 28 September hingga 6 Oktober 2018.

Semasa di Brussels, delegasi Malaysia mengadakan mesyuarat dua hala dengan wakil-wakil Kesatuan Eropah (EU) termasuk Suruhanjaya Eropah dan Majlis Kesatuan Eropah yang merupakan institusi EU yang terlibat dalam pembuatan dasar dan perundangan EU.

Misi bertujuan memberi penerangan mengenai pembangunan mampan industri sawit negara serta menekankan usaha yang dilaksanakan Malaysia dalam memulihara alam sekitar termasuk hutan hujan tropika dan biodiversiti. Skim Pensijilan Minyak Sawit Mampan Malaaysia (MSPO) yang dilaksanakan secara mandatori juga diberi fokus sebagai salah satu langkah industri sawit negara dalam mencapai pembangunan mampan.

Misi turut disertai Ketua Pengarah Lembaga Minyak Sawit Malaysia (MPOB), Datuk Dr. Ahmad Kushairi Din, Ketua Pegawai Eksekutif Majlis Minyak Sawit Malaysia (MPOC), Datuk Dr. Kalyana Sundram, Setiausaha Bahagian

Kemajuan Industri Sawit dan Sagu, Kementerian Industri Utama (MPI), Dr. Sugumari Shanmugam dan Ketua Pegawai Eksekutif Majlis Pensijilan Minyak Sawit Malaysia (MPOCC) Dr. Sanath Kumaran.

Delegasi Malaysia mengadakan pertemuan dua hala dengan Karmenu Vella, Pesuruhjaya Alam Sekitar, Maritim dan Perikanan, Kesatuan Eropah.

Teresa mengambil peluang tersebut untuk menekankan pembangunan mampan industri sawit Malaysia yang mesra alam serta kepentingannya dalam pembangunan sosio-ekonomi negara.

Pendekatan yang diambil oleh industri sawit negara untuk meningkatkan produktiviti tanaman sawit tanpa perlu membuka kawasan baharu memandangkan kekangan tanah yang sesuai untuk tanaman sawit juga dibincangkan.

Semua penggiat industri sawit termasuk lebih 650,000 pekebun kecil sawit akan mematuhi piawaian kemampuan seperti yang digariskan dalam MSPO menjelang 31 Disember 2019 juga ditekankan berulang kali.

Karmenu mengakui kepentingan industri sawit dan menghargai komitmen Malaysia dalam pembangunan industri sawit yang mampan serta usaha mengekalkan sekurang-kurangnya 50% kawasan di bawah liputan



MESYUARAT dua hala delegasi Malaysia diketuai oleh Teresa Kok dengan Majlis Kesatuan Eropah.

hutan. Pihak Suruhanjaya Eropah bersedia bekerjasama dan memberi sokongan kepada pengeluaran minyak sawit dalam usaha mengurangkan penyahhutan hutan hujan tropika.

Di samping itu, bidang baharu untuk kerjasama dua hala juga diterokai termasuk pemindahan teknologi terkini dalam pengurangan sisa dan pengitaran semula.

Teresa turut mengadakan mesyuarat dengan Ketua Pengarah, Alam Sekitar, Pendidikan, Pengangkutan dan Tenaga, Majlis Kesatuan Eropah, Dr. Pietras Jaroslaw. Majlis Kesatuan Eropah

terdiri daripada 28 negara anggota EU dan merupakan satu daripada tiga institusi penggubalan undang-undang di EU.

Institusi penggubalan undang-undang di EU adalah rumit memandangkan 28 negara anggota dalam Majlis Kesatuan Eropah mempunyai kepentingan masing-masing menyebabkan tiada hala tuju yang jelas.

Namun demikian, isu berkaitan perubahan iklim dan pemanasan global merupakan isu yang mendapat persetujuan sebulat suara negara anggota dan bio bahan api yang dikaitkan sebagai penyebab utama penyahhutan adalah

isu penting di EU.

Keputusan akhir rundingan tiga hala (trialogue) yang dicapai di antara Parlimen Eropah, Majlis Kesatuan Eropah dan Suruhanjaya Eropah pada bulan Jun 2018 telah berpihak kepada industri sawit dan membolehkan bio bahan api berasaskan sawit terus digunakan untuk pengiraan ke arah sasaran tenaga boleh diperbaharui sehingga 2030 seperti bio bahan api berasaskan minyak sayuran yang lain. Kemasukan bio bahan api berasaskan minyak sawit ke EU tidak akan terjejas buat masa ini.

Dr. Pietras berkongsi kebimbangan Malaysia

dan mencadangkan supaya Malaysia meneruskan usaha untuk menyebarkan fakta-fakta yang tepat dan maklumat terkini mengenai usaha negara dalam menangani isu penyahhutan serta memastikan kemampuan industri sawit bagi meningkatkan lagi keyakinan kepada para penggubal dasar di EU. Ini berikutan banyak kempen anti minyak sawit yang dilancarkan oleh organisasi bukan kerajaan (Non-Governmental Organisations - NGOs) di rantau Eropah yang mengelirukan para pengguna. Di samping itu, Malaysia juga digesa menggunakan sepenuhnya platform yang ada untuk membangkitkan isu

industri sawit. Pihak Majlis Kesatuan Eropah juga sedia mengadakan dialog membina dengan Malaysia dalam menghadapi cabaran ini.

Delegasi Malaysia juga mengadakan mesyuarat dua hala dengan European External Action Service (EEAS) yang diketuai oleh Gunnar Wiegand, Pengarah Urusan Asia dan Pasifik. YB Menteri membangkitkan isu indirect land use change (ILUC) yang akan menyekat perdagangan minyak sawit sebagai bio bahan api secara berperingkat.

EEAS menekankan tiada keputusan untuk menyekat perdagangan bio bahan api berasaskan minyak sawit di EU tetapi ini bergantung kepada sejauh manakah penggunaannya boleh diambil kira untuk sasaran tenaga boleh diperbaharui EU.

Malaysia juga dimaklumkan bahawa satu jawatankuasa sedang ditubuhkan untuk merangka kriteria ILUC di bawah Renewable Energy Directive (RED) dan Malaysia turut dijemput mencalonkan pakar dalam bidang tersebut.

Secara keseluruhan, misi ini membuktikan kesungguhan Malaysia memastikan produk sawit dihasilkan secara mampan untuk pasaran global termasuk EU. Pembangunan mampan merupakan agenda penting Kerajaan Malaysia baharu dan merupakan usaha yang berterusan.

Mekanisasi ladang tingkat produktiviti sawit

Oleh Noor Asmawati
Abdul Samad
watie@mpob.gov.my

AYER KEROH: Kerajaan menumpukan kepada penggunaan teknologi moden dalam usaha meningkatkan produktiviti sawit bagi menangani kebimbangan berkaitan pemusnahan alam sekitar, biodiversiti dan habitat hidupan liar yang sering disuarakan oleh pertubuhan bukan kerajaan (NGO) Barat.

"Kini, usaha meningkatkan produktiviti sawit menggunakan teknologi baharu dan pendekatan mampan giat dilaksanakan oleh pihak industri yang terlibat dengan pengeluaran sawit", kata Timbalan Menteri Industri Utama, Datuk Seri Shamsul Iskandar Mohd Akin ketika berucap di merasmikan seminar Labour And Mechanisation in Plantation (LAMP) 2018, anjuran Lembaga Minyak Sawit Malaysia (MPOB) di sini baru-baru ini.

Beliau yang membacakan ucapan Menteri Industri Utama, Teresa Kok, turut menggesa mana-mana pihak, khususnya yang mempunyai kepakaran teknologi untuk bekerjasama dalam meningkatkan produktiviti hasil ladang sawit serta industri komoditi lain.

"Jika kita boleh bekerjasama dengan cara yang lebih bersepadu dengan menggunakan teknologi yang tepat dan mematuhi amalan pertanian yang baik, pengeluaran hasil minyak semasa sebanyak empat tan sehektar dapat ditingkatkan lagi.

Katanya, kerajaan juga bercadang mengguna pakai sumber digital berteraskan teknologi terkini dalam usaha meningkatkan produktiviti industri berasaskan perladangan negara.

"Pengurusan digitalitan itu, termasuk beralih kepada penggunaan teknologi seperti



SHAMSUL ketika melancarkan buku terbaru terbitan MPOB bertajuk 'Accelerating Oil Palm Mechanisation in Malaysia: Innovations and Adaptions' di Ayer Keroh, Melaka.

robotik dan imbasan.

"Ia selari dengan hasrat kerajaan untuk memberi tumpuan kepada pelaburan bagi sumber manusia dan bukannya menggunakan sumber pekerja yang ramai.

"Sebaliknya, pada masa depan tumpuan lebih terarah kepada penggunaan sumber tenaga kerja berkemahiran yang dapat menggunakan peralatan berteknologi tinggi," katanya.

Katanya, kerajaan sedang dapat membantu petani dalam usaha mewujudkan era baru, lebih dinamik dan mampan dan menumpukan padapeningkatan produktiviti sawit, dan bukannya memperluaskan tanah.

"Perlindungan hutan adalah keutamaan bagi kerajaan dan akan memenuhi komitmen Malaysia untuk mengekalkan 50 peratus tanah sebagai kawasan hutan yang terpelihara", katanya.

Beliau menambah, inisiatif Malaysia melaksanakan pensijilan Minyak Sawit Mampan Malaysia (MSPO) dan menjadikannya mandatori pada 31 Disember 2019 adalah cara menaikkan pencapaian industri minyak sawit Malaysia bukan sahaja dalam kemapanan tetapi

juga dalam meningkatkan pengeluaran.

Dalam pada itu, Shamsul berkata, kementerian juga sedang memfokuskan usaha menjadikan petani di seluruh negara berkemahiran dalam bidang keusahawanan.

"Kecenderungan kementerian adalah untuk memastikan petani pada masa depan mempunyai elemen (kemahiran) keusahawanan.

"Ia secara tidak langsung dapat membantu petani dalam industri komoditi kekal bertahan walaupun pasarannya mungkin terjejas atau jatuh pada paras rendah," katanya.

Pada majlis sama, Shamsul turut melancarkan penerbitan terkini MPOB berjudul Accelerating Oil Palm Mechanisation in Malaysia: Innovations and Adaptions.

Penerbitan itu mengisahkan mengenai sejarah dan inovasi semasa mekanisasi perladangan sawit oleh MPOB dan pihak industri. Pelbagai teknologi dihasilkan bagi mengoptimalkan operasi ladang ditunjukkan dalam buku berkenaan.

Majlis turut dihadiri Ketua Pengarah MPOB, Datuk Dr. Ahmad Kushairi Din.

Sayangi Komoditi medan perkenal latihan, kerjaya pelajar

Oleh Mohd Solah Deraman
& Nur Dalilah Termizi
solah@mpob.gov.my
& dalilah@mpob.gov.my

LAHAD DATU: Kementerian Industri Utama (MPI) melalui Institut Perladangan dan Komoditi (IMPAC) sedang memberi tumpuan terhadap usaha dalam membangun dan memperkasakan pembangunan modal insan terutamanya bagi meningkatkan bilangan tenaga kerja mahir dan separa mahir.

Keperluan tenaga kerja tempatan yang berpengetahuan dan berkemahiran amat diperlukan di sektor perladangan bagi meningkatkan produktiviti dan meneruskan kelangsungan prestasi pendapatan eksport komoditi negara.

Bagi merialisasikan pembangunan modal insan tersebut, IMPAC telah mengambil inisiatif dengan mengadakan program Sayangi Komoditi untuk tiga zon iaitu di Semenanjung, Sabah dan Sarawak.

Program dengan kerjasama Kementerian Sumber Manusia melalui Jabatan Pembangunan Kemahiran (JPK) dan Pejabat Pendidikan Daerah, Kementerian Pendidikan Malaysia bertujuan menghebahkan latihan dan keperluan guna tenaga dengan tumpuan pelajar sekolah menengah yang berminat mengikuti latihan

kemahiran di sektor perladangan dan komoditi negara.

Program bagi zon Sabah diadakan di Sekolah Menengah Kebangsaan Silabukan Lahad Datu, dirasmikan Timbalan Menteri Industri Utama, Datuk Seri Shamsul Iskandar Mohd Akin, di sini baru-baru ini.

Program yang melibatkan penyertaan 1000 pelajar daripada 10 sekolah dan pusat latihan kemahiran sekitar daerah Lahad Datu iaitu SMK Silabukan sebagai tuan rumah, sekolah-sekolah lain adalah SMK Segama, SMK Tungku, SMK Terusan, SMK Desa Kencana, SMK Sepagaya, SMK Sains Lahad Datu, SM St Dominic, SMK Agaseh dan Kolej Vokasional Lahad Datu.

Dalam ucapannya, beliau memaklumkan sektor komoditi merupakan salah satu penyumbang terbesar kepada jumlah eksport bersih negara.

Pada tahun 2017, eksport produk berasaskan komoditi berjumlah RM140.3 bilion atau 15% daripada keseluruhan pendapatan eksport negara di mana 55% daripada jumlah ini iaitu RM77.8 bilion disumbangkan oleh sektor sawit.

Beliau juga memaklumkan bagi tempoh Januari hingga Ogos 2018, sektor komoditi telah mencatatkan nilai eksport berjumlah RM84.9 bilion, iaitu

penurunan sebanyak 9.2% berbanding dengan RM93.4 bilion bagi tempoh yang sama tahun lalu.

Beliau menyambut baik program yang dijalankan ini dalam membantu pihak kerajaan memberi tumpuan terhadap pembangunan dan memperkasakan pembangunan modal insan bermula di peringkat sekolah supaya belia-belia dapat merancang hala tuju dan kerjaya untuk masa depan dalam sektor komoditi sama ada di perladangan, penyelidikan dan sebagainya.

Program sehari ini turut melibatkan pameran yang disertai agensi di bawah Kementerian Industri Utama, Jabatan Pembangunan Kemahiran (JPK), Kementerian Pendidikan dan juga pameran komuniti setempat.

Akhirnya dalam ucapan beliau juga menggesa belia tempatan merebut peluang dan menyertai kursus yang dianjurkan IMPAC untuk mendapatkan latihan dalam bidang kemahiran tertentu yang ditawarkan.

"Pelbagai peluang disediakan dalam membantu belia melalui skim yang dilaksanakan oleh kerajaan dalam mengiktiraf pekerja mahir dan separa mahir. Katanya, melalui peluang yang ditawarkan, belia dapat memanfaatkan pengalaman dan kemahiran untuk peningkatan kerjaya dan secara tidak langsung membuka peluang masa depan lebih baik.

POMREQ NATIONAL SEMINAR ON 2018 PALM OIL MILLING, REFINING, ENVIRONMENT AND QUALITY

27 - 28 November 2018
The Royale Chulan Hotel Kuala Lumpur
Theme: Advances in Sustainable Practices

Officiated by
YB PUAN TERESA KOK
Minister of Primary Industries

For enquiries, please contact :
Registration :
Nurul Aishah Musa
Tel : 03-8769 4567/03-8769 4568
E-mail : nurul.aishah.musa@mpob.gov.my

Exhibition :
Nu'man Abd Hadi
Tel : 03-8769 4350
E-mail : numan@mpob.gov.my

M'sia perjelas pelaksanaan sawit mampan di Eropah

Jalin kerjasama strategik pihak industri, NGO

Oleh Dr Puah Chiew Wei
cwpuah@mpob.gov.my

MADRID, Sepanyol: Malaysia komited melaksanakan pembangunan mampan industri sawit Malaysia bagimengurangkan pelepasan gas rumah hijau serta memelihara hutan hujan tropika.

Menteri Industri Utama, Teresa Kok berkata, inisiatif kearah pembangunan mampan industri sawit negara termasuk pelaksanaan Pensijilan Minyak Sawit Mampan Malaysia (MSPO), langkah untuk mengurangkan pelepasan gas rumah hijau (greenhouse gas - GHG) dalam rangkaian penghasilan minyak sawit serta usaha-usaha dalam memelihara hutan hujan tropika.

"Kepentingan industri sawit dalam mencapai matlamat United Nations Sustainable

Development Goals (SDGs) juga diberi fokus dan kerjasama strategik antara pihak industri dan NGO dengan Malaysia.

"Pegiat industri minyak di Eropah menyokong kepentingan pembangunan industri sawit yang mampan dan mengakui bekalan minyak sawit mampan adalah melebihi permintaan terutamanya di rantau Eropah," katanya ketika menyampaikan ucpatama di European Palm Oil Conference 2018 di Madrid, Sepanyol.

Dalam aspek kemampanan pula, syarikat perladangan Malaysia adalah syarikat pertama yang mendapat pengesahan kemampanan antarabangsa Roundtable on Sustainable Palm Oil (RSPO) pada bulan Ogos 2008 secara sukarela yang menunjukkan komitmen syarikat Malaysia ke arah pembangunan mampan.

Keseimbangan pembangunan sosio-ekonomi negara dengan pemuliharaan alam sekitar juga diberi fokus di mana Malaysia berjaya mengekalkan sekurang-kurangnya 50% kawasan di bawah liputan hutan.

Teresa turut mengadakan pertemuan dengan ahli Perikatan Minyak Sawit Sepanyol (Spanish Alliance of Palm Oil) dan Persatuan Biodiesel Sepanyol (Spanish Biodiesel Association) bagi mendapatkan perkembangan terkini mengenai penggunaan minyak sawit bagi menangani cabaran yang dihadapi industri sawit di negara tersebut.

Pihak industri Sepanyol menyeru Malaysia membuktikan minyak sawit mempunyai risiko indirect land use change (ILUC) yang rendah dalam Renewable Energy Directive.

Pihak EU dalam rundingan

tiga hala memutuskan supaya bio bahan api dikategorikan sebagai bio bahan dengan risiko ILUC yang tinggi atau rendah.

ILUC bermaksud apabila minyak sayuran seperti minyak sawit, minyak soya dan lain-lain yang pada dasarnya adalah makanan digunakan untuk penghasilan biobahan api dan boleh menyebabkan risiko berlakunya kekurangan bekalan sebagai sumber makanan.

Justeru, pembukaan tanah baharu untuk menghasilkan lebih banyak minyak sayuran untuk tujuan makanan adalah dikategorikan sebagai tanaman yang menyumbang kepada risiko ILUC yang tinggi.

Sementara itu di Switzerland, Teresa turut menegaskan mengenai kemampanan industri sawit negara, semasa sesi Dialog Meja Bulat Industri Sawit Malaysia (Malaysian

Palm Oil Roundtable Dialogue) dengan pemain industri minyak tempatan dan badan bukan kerajaan.

Sesi dialog diadakan sempena Misi Ekonomi dan Promosi Sawit ke Switzerland, Sepanyol dan Belgium dari 28 September sehingga 6 Oktober lalu.

Pada mesyuarat dua hala dengan Ketua jabatan Persekutuan Perhubungan Ekonomi, Pendidikan dan Penyelidikan Switzerland, Johann Schneider-Ammann, ia dimanfaatkan bagi membantah cadangan Parlimen Switzerland untuk menyekat penggunaan minyak sawit.

Delegasi Malaysia dimaklumkan, cadangan tersebut adalah hasil bantahan pengeluar minyak sesawi tempatan. Bagaimanapun, pengeluaran minyak sesawi tempatan tidak dapat



TERESA Kok semasa menyampaikan ucpatama di European Palm Oil Conference 2018 di Madrid, Sepanyol.

memenuhi permintaan tempatan.

Malaysia menjelaskan, pengimporan minyak sawit merupakan satu penyelesaian yang baik memandangkan khasiat dan versatiliti minyak sawit di samping harganya yang kompetitif.

Di Switzerland, delegasi Malaysia turut mengadakan perbincangan dengan Pengarah Bahagian Perdagangan dan Alam Sekitar, Pertubuhan Perdagangan Dunia (WTO), Lim Aik Hoe bagi memastikan

perdagangan produk sawit tidak terjejas akibat pelaksanaan perundangan baharu terutamanya di EU.

Teresa turut mengadakan perjumpaan dengan Duta Besar negara-negara pengeluar minyak sawit lain ke WTO bertujuan membincangkan bidang kerjasama strategik yang boleh diterokai bersama dan mendapatkan hala tuju bersama dalam memastikan perdagangan sawit terus berkembang serta diterima oleh sektor makanan dan bukan makanan.

Kerjasama negara pengeluar sawit dipererat

Oleh Fairus Hidzir
fairus.wdc@gmail.com

CARTAGENA, Colombia: Timbalan Menteri Industri Utama, Datuk Seri Shamsul Iskandar Mohd Akin mengadakan lawatan kerja ke Colombia sempena Persidangan Antarabangsa Minyak Sawit ke-19 anjuran industri sawit Colombia pada 26-28 September 2018 di sini.

Beliau menghadiri perbincangan tiga hala yang membabitkan tiga pengeluar sawit utama dunia iaitu Indonesia, Malaysia dan Colombia bagi membincangkan isu berkaitan minyak sawit.

Ia turut dihadiri Timbalan Menteri Pertanian dan

Pembangunan Luar Bandar Colombia, Andres Valencia Pinzon.

Colombia adalah pengeluar minyak sawit keempat terbesar dunia selepas Indonesia, Malaysia dan Thailand.

Colombia mempunyai lebih 500,000 hektar ladang sawit pada 2017 dan National Federation of Oil Palm Growers of Colombia (Fedepalma) menjangka pengeluaran minyak sawit Colombia akan mencecah sehingga 2.5 juta tan dalam masa 5 tahun mendatang.

Eropah merupakan pengimpor terbesar produk sawit Colombia. Justeru perbincangan berkaitan kerjasama bagi menangani isu anti-minyak sawit di Eropah menjadi antara inti



SHAMSUL ketika perbincangan tiga hala antara Malaysia, Indonesia dan Colombia bagi membincangkan isu berkaitan minyak sawit di dunia.

pati perbincangan tiga hala antara Malaysia, Indonesia dan Colombia.

Colombia turut berminat meneruskan kerjasama dengan Malaysia dalam hal berkaitan kawalan penyakit sawit serta pembiakan baka sawit.

Kerjasama ini penting bagi

mempersiapkan diri menghadapi sebarang penyakit tanaman sawit yang boleh memudaratkan industri sawit Malaysia.

Contohnya, penyakit 'bud root' yang menyerang tanaman sawit di Colombia, memusnahkan ribuan hektar

ladang sawit di negara berkenaan.

Selain itu, hubungan dan persepsi baik terhadap industri sawit Malaysia menyebabkan industri sawit Colombia memilih untuk mendapatkan teknologi dan perkhidmatan Malaysia.

Mega Jutamas, PPK Sri Medan terima Anugerah Industri Sawit

Oleh Noor Asmawati
Abd Samad
watie@mpob.gov.my

AYER KEROH: Tapak semeian milik Mega Jutamas Sdn Bhd dan peniaga buah sawit Pertubuhan Peladang Kawasan (PPK) Sri Medan masing-masing dari Miri, Sarawak dan Batu Pahat, Johor menerima pengiktirafan sebagai tapak semeian sawit komersial terbaik dan peniaga buah sawit terbaik bagi Anugerah Industri Sawit 2017/2018.

Penyampaian anugerah disempurnakan Timbalan Menteri Industri Utama, Datuk Seri Shamsul Iskandar Mohd Akin, sempena majlis perasmian seminar Labour and Mechanisation in Plantation (LAMP) 2018, anjuran Lembaga Minyak Sawit Malaysia (MPOB), di sini baru-baru ini.

Majlis turut dihadiri Ketua Pengarah MPOB, Datuk Dr. Ahmad Kushairi Din.

Mega Jutamas Sdn Bhd yang beroperasi di Miri, Sarawak berjaya meraih Anugerah Industri Sawit bagi kategori tapak semeian sawit komersial, manakala Pertubuhan Peladang Kawasan (PPK) Sri Medan meraih anugerah bagi kategori peniaga buah sawit terbaik.

Pengurus Mega Jutamas Sdn Bhd, Joseph Ng berkata, tapak semeian yang diusahakan bertujuan membekal anak benih sawit terutamanya kepada pekebun kecil sawit di negeri Sarawak.

Katanya, syarikat itu antara pembekal terawal bagi skim tanam semula dan tanam baru sawit pekebun kecil sawit di Sarawak.

"Sebagai pembekal bagi skim bantuan berkenaan, syarikat komited memberi kerjasama kepada MPOB dan pekebun kecil yang menyertai skim tersebut", katanya.

Mega Jutamas Sdn Bhd turut memberikan sumbangan yang signifikan kepada kelancaran dan kejayaan pelaksanaan skim tanam baru dan tanam semula sawit.

Sementara itu, Pengurus PPK Sri Medan, Che Zamri A. Rahman berkata, operasi PPK Sri Medan sebagai peniaga buah sawit bermula sejak 1982 dan mempunyai pembekal yang terdiri pekebun kecil sawit berjumlah lebih 1,300 orang.

"Selain urus niaga buah tandan segar, PPK Sri Medan turut menyediakan pelbagai perkhidmatan termasuk menjual input pertanian seperti baja dan racun, perkakas pertanian, khidmat pengangkutan buah tandan segar dan bantuan kewangan kepada ahli serta pembekal," katanya.

**INTERNATIONAL PALM OIL
PIPOC 2019
CONGRESS AND EXHIBITION**

MPOB INTERNATIONAL PALM OIL CONGRESS AND EXHIBITION (PIPOC) 2019

Theme: BALANCING SUSTAINABILITY PILLARS

**19-21
NOVEMBER
2019**

**Kuala Lumpur Convention Centre,
Kuala Lumpur, Malaysia**

Join this prestigious event of 2019!

Organised by:

Malaysian Palm Oil Board (MPOB)

6, Persiaran Institusi, Bandar Baru Bangi,
43000 Kajang, Selangor, Malaysia

www.mpob.gov.my

Connect with us at

pipoc@mpob.gov.my

pipoc.mpob.gov.my



Palm Oil Economic REVIEW & OUTLOOK (R&O) Seminar 2019

Palm Oil Driving Economic Sustenance

Registration Fee RM 1000

• 17.1.2019 • LE MERIDIEN PUTRAJAYA •

MPOB
MALAYSIAN PALM OIL BOARD (MPOB)
Ministry of Primary Industries
6, Persiaran Institusi, Bandar Baru Bangi,
43000 Kajang, Selangor, Malaysia
www.mpob.gov.my